

Whakarāpopoto Mō Ngā Tāpiritanga Kaupapa Here (Mā Ngā Kaupapa Here Inihua Ora) Policy Add-Ons Summaries (For Life Policies)

I tēnei tuhinga, ko ngā kupu “mātou”, “tā mātou” me “tō mātou” ko te *American Income Life Insurance Company*, te kaiinihua i raro i ngā Kaupapa Here me ngā Tāpiritanga Kaupapa Here.

Ko te tikanga o ngā kupu “koe” me “tō/tāu/tōu” ko te “Hunga Whai Inihua” i raro i te Kaupapa Here ka āpitihia te “Tāpiritanga Kaupapa Here” ki a ia.

E whakarato ana mātou i ngā “Tāpiritanga Kaupapa Here” e tukuna ana ētahi atu āwhina

E whakarato ana mātou i ngā “Tāpiritanga Kaupapa Here” e taea ana te āpiti ki ētahi o ā mātou Kaupapa Here. Kei ngā Tāpiritanga Kaupapa Here ko ētahi atu āwhina.

Ko tā ngā Whakarāpopoto i raro he āwhina ki te whakamārama i ngā Tāpiritanga Kaupapa Here ka taea te āpiti atu ki ā mātou Kaupapa Here inihua ora.

I tēnei tuhinga, kua whakatakotoria e mātou ko ngā Tāpiritanga Kaupapa Here katoa (mā ngā Kaupapa Here inihua ora) e hokona atu nei e mātou i tēnei wā. Engari, tērā pea ko ētahi noa iho o ēnei Tāpiritanga Kaupapa Here e hāngai ana ki a koe.

Ka taea noatia te āpiti atu tētahi Tāpiritanga Kaupapa Here ki tētahi, ki ētahi Kaupapa Here rānei. Ka whakatakotoria e mātou ngā taipitopito o ngā Kaupapa Here inihua ora ka taea te āpiti atu ko ia Tāpiritanga Kaupapa Here ki a rātou.

Ka hoko mai koe i tētahi Tāpiritanga Kaupapa Here, ka noho hei wāhanga o te Kaupapa Here ka āpitihia, ka mutu, me pānui tahi ki taua Kaupapa Here. Ki te kore e kīia kētia e te Tāpiritanga Kaupapa Here, kāore e whakarerekētia te Kaupapa Here ake.

Ko ngā Whakarāpopototanga i raro he tirohanga whānui noa iho i ngā Tāpiritanga Kaupapa Here. Kāore i te noho ēnei Whakarāpopototanga hei wāhanga o tētahi kirimana i waenganui i a koe me mātou.

**KIA ĀTA PĀNUITUA TE
KAUPAPA HERE ME TE
WHAKATAKOTO KUPU O
TE TĀPIRITANGA KAUPAPA
HERE INA RIRO I A KOE.**

Kei te Kaupapa Here tūturu me te Tāpiritanga Kaupapa Here ko ngā mōhiotia katoa, ā, kei te whakatakotoria ki reira ngā here.



Ngā Whakarāpopototanga ka taea te āpiti atu ki ā mātou Kaupapa Here inihua ora

Kua kōrerotia i raro ngā Tāpiritanga Kaupapa Here ka taea te āpiti atu ki ā mātou Kaupapa Here inihua ora:

Tāpiritanga Kaupapa Here – Utu Wawe mā te Mate Tuamatangi (Accelerated Payment for Terminal Illness Policy Add-on)

Ko te Tāpiritanga Kaupapa Here - Utu Wawe mā te Mate Tuamatangi ka taea te āpiti atu ki ngā Kaupapa Here inihua ora katoa ka utu i te pūtea pūmau.

I raro i tēnei Tāpiritanga Kaupapa Here, mēnā kua whakatauria koe ki tētahi Mate Tuamatangi, ka utua e mātou ko te 50% o te Pūtea Me Utu i raro i te Kaupapa Here ka āpitihia tēnei Tāpiritanga Kaupapa Here ki ia.

Ko te "Mate Tuamatangi" e mea ana kua whakatauria koe ki tētahi māuiuitangi rongoā manako kore, ā, nā konā, i runga i te mōhiotanga rongoā pai katoa ka taea, kua mate koe kāore i roa atu i ngā marama 12.

Kotahi anake te utu wawe. E hāngai ana tēnei mēnā tonu kua whakataumaha koe ā muri ki tētahi Mate Tuamatangi he ōrite te āhua, he rerekē rānei.

Kāore mātou e utu i te utu wawe mēnā ko te takenga mai, ko tētahi wāhanga o te takenga mai rānei o te Mate Tuamatangi i ahu mai i tētahi anake o ngā whakakorenga e whakatakotoria nei i te whakatakoto kupu o te Tāpiritanga Kaupapa Here.

Ina utua te utu wawe, ka whakahekeka te Pūtea Me Utu i raro i te Kaupapa Here inihua ora i te 50%

Kāore he utu inihua o tua mā tēnei Tāpiritanga Kaupapa Here.

Tāpiritanga Kaupapa Here – Matenga Pokerehū (Accidental Death Benefit Policy Add-on)

Ko te Tāpiritanga Kaupapa Here - Matenga Pokerehū ka taea te āpiti atu ki ā mātou Kaupapa Here inihua ora katoa.

Ka whakarato tēnei Tāpiritanga Kaupapa Here i tētahi āwhina mēnā ka mate koe tōtika mai i tētahi wharanga nā tētahi aituā te take.

Ka utua anake e mātou te āwhina hāngai mēnā e mana pū ana te Kaupapa Here me te Tāpiritanga Kaupapa Here i te wā o te aituā me tōu matenga. Ko te tikanga o te "mana pū" kua utua ngā utu inihua katoa.

Kāore mātou e utu i te Āwhina Matenga Pokerehū mēnā ko te takenga mai, ko tētahi wāhanga o te takenga mai rānei o tōu matenga i ahu mai i tētahi anake o ngā whakakorenga e whakatakotoria nei i te Tāpiritanga Kaupapa Here.

Ka mutu te Tāpiritanga Kaupapa Here ā muri i tētahi wā i tautuhia, wawe ake rānei i tētahi āhuatanga, i runga anō i te Tāpiritanga Kaupapa Here.



Tāpiritanga Kaupapa Here – Matenga Pokerehū Motuhake (Special Accidental Death Benefit Policy Add-on)

Ko te Tāpiritanga Kaupapa Here - Matenga Pokerehū Motuhake ka taea te āpiti atu ki ā mātou Kaupapa Here inihua ora katoa.

Ka whakarato tēnei Tāpiritanga Kaupapa Here i tētahi āwhina mēnā ka mate koe tōtika mai i tētahi wharanga nā tētahi aituā te take.

Ka utua anake e mātou te āwhina hāngai mēnā e mana pū ana te Kaupapa Here me te Tāpiritanga Kaupapa Here i te wā o te aituā me tōu matenga. Ko te tikanga o te “mana pū” kua utua ngā utu inihua katoa.

Ka whakapikitia pea te āwhina ka ahu mai tōu matenga i tētahi aituā i a koe e:

- taraiwa ana, e eke ana rānei i tētahi waka ā-pāhihi, motopaika, taraka, tērā rānei
- e eke ana hei pāhihi ā-utu i tētahi pahi, wakarererangi, takahī, tereina rānei.

Kāore mātou e utu i te āwhina mēnā ko te takenga mai, ko tētahi wāhanga o te takenga mai rānei o tōu matenga i ahu mai i tētahi anake o ngā whakakorenga e whakatakotoria nei i te Tāpiritanga Kaupapa Here.

Ka mutu te Tāpiritanga Kaupapa Here ā muri i tētahi wā i tautuhia, wawe ake rānei i ētahi āhuatanga, i runga anō i te Tāpiritanga Kaupapa Here.

Tāpiritanga Kaupapa Here – Kōwhiringa ki te Utu Inihua Tāpiri (Option to Buy Additional Insurance Policy Add-on)

Ko te Tāpiritanga Kaupapa Here - Kōwhiringa ki te Utu Inihua Tāpiri ka taea te āpiti atu ki te Kaupapa Here Inihua Ora.

I raro i tēnei Tāpiritanga Kaupapa Here kāore koe e hoko pū ana i te inihua i tēnei wā. Ka hoko kē koe i te kōwhiritanga ki te hoko i ētahi inihua hei ētahi rā āmua (e kīia nei ko ngā “rā kōwhiri”) me te korenga o te hiahia ki te whakarato i te whakaaturanga o te āhua o te hauora.

Ko ngā rā kōwhiri ko ngā huritau o te Kaupapa Here hei tōu pakeke 25, 28, 31, 34, 37, 40 rānei.

Ka mutu, ka taea e koe te whakamahia wawe tētahi rā kōwhiri hei te wā o (a) tō mārenatanga, tō uniana ā-pāpori, te uru rānei ki tētahi piringa moe māori, ā, (b) te whānau mai, te whāngai mai rānei i tētahi tamaiti. Ko ngā Whakaritenga me ngā herenga e hāngai ana.

Ka mutu te Tāpiritanga Kaupapa Here hei te rā kōwhiri whakamutunga, wawe ake rānei i ētahi āhuatanga, i runga anō i te Tāpiritanga Kaupapa Here.

Ko te Tāpiritanga Kaupapa Here – Inihua Wā Tūmau mā ngā Tamariki (Children’s Term Insurance Policy Add-on)

Ko te Tāpiritanga Kaupapa Here - Inihua Wā Tūmau mā ngā Tamariki ka taea te āpiti atu ki ā mātou Kaupapa Here inihua ora katoa.



I raro i tēnei Tāpiritanga Kaupapa Here, ka utua e mātou he āwhina ki te kaiwhiwhi painga hei te wā o te matenga o tāu tamaiti, āu tamariki rānei. E whakatakotoria ana ko ngā taipitopito o ngā tamariki kapi i roto i te Tāpiritanga Kaupapa Here. Kua kapi katoa rātou i te utu kotahi.

Ka utua anake e mātou te āwhina hāngai mēnā e mana pū ana te Kaupapa Here me te Tāpiritanga Kaupapa Here i te wā o te matenga o tētahi tamaiti e kapi ana. Ko te tikanga o te “mana pū” kua utua ngā utu inihua katoa.

Ka noho koe hei kaiwhiwhi painga i raro i tēnei Tāpiritanga Kaupapa Here. Ā muri i tōu matenga, ka noho ko te pānga tuku iho o te tamaiti kua mate te kaiwhiwhi painga o te Tāpiritanga Kaupapa Here.

Ā muri i tōu matenga, ko te āwhina e pā ana ki tēnā, ki tēnā tamaiti i raro i tēnei Tāpiritanga Kaupapa Here ka huri hei inihua wā tūmau kua utua katoatia.

Ka mutu te Tāpiritanga Kaupapa Here hei te huritau o te Kaupapa Here ā muri i tōu tae atu ki te 65 tau te pakeke, wawe ake rānei i ētahi āhuetanga, i runga anō i te Tāpiritanga Kaupapa Here. Hei tauira, ka mutu te kapi inihua mō ia tamaiti i raro i te Tāpiritanga Kaupapa Here hei te huritau o te Kaupapa Here ā muri i tōna tae atu ki te 21 tau te pakeke.

Ka taea te whakahuri te kapi inihua mō tētahi tamaiti i raro i tēnei Tāpiritanga Kaupapa Here ki tētahi o ā mātou mahere inihua ora e tūmau ana. Ko ngā Whakaritenga me ngā herenga e hāngai ana.

Tāpiritanga Kaupapa Here – Inihua Wā Tūmau mā Te Hoa Mārena (Spouse’s Term Insurance Policy Add-on)

Ko te Tāpiritanga Kaupapa Here - Inihua Wā Tūmau mā Te Hoa Mārena ka taea te āpiti atu ki te Kaupapa Here Ora.

I raro i tēnei Tāpiritanga Kaupapa Here, ka utua e mātou he āwhina ki te kaiwhiwhi painga hei te wā o te matenga o tōu hoa mārena/hoa moe māori rānei. E kapi ai, me whakaingoa tōu hoa mārena, tōu hoa uniana ā-pāpori, tōu hoa moe māori rānei i roto i te tonu.

Ka utua anake e mātou te āwhina hāngai mēnā e mana pū ana te Kaupapa Here me te Tāpiritanga Kaupapa Here i te wā o te matenga o tōu hoa mārena/hoa moe māori rānei. Ko te tikanga o te “mana pū” kua utua ngā utu inihua katoa.

Hāunga he kaiwhiwhi painga anō i whakaingoaia:

- ka noho koe hei kaiwhiwhi painga i raro i tēnei Tāpiritanga Kaupapa Here, ā
- ā muri i tōu matenga, ka noho ko te pānga tuku iho o tōu hoa mārena/hoa moe māori rānei te kaiwhiwhi painga o te Tāpiritanga Kaupapa Here.

Ā muri i tōu matenga, ko te āwhina i raro i tēnei Tapiritanga Kaupapa Here ka huri hei inihua wā tūmau kua utua katoatia.

Ka mutu te Tāpiritanga Kaupapa Here ā tōna rā mōnehu, wawe ake rānei i ētahi āhuetanga, i runga anō i te Tāpiritanga Kaupapa Here.



Ka taea te whakahuri te kapi inihua i raro i tēnei Tāpiritanga Kaupapa Here ki tētahi o ā mātou mahere inihua ora e tūmau ana. Ko ngā Whakaritenga me ngā herenga e hāngai ana.

Ko te Tāpiritanga Kaupapa Here - Inihua Wā Tūmau, he Pūmau te Pūtea ka Utua, ka taea te Whakahou, Whakahuri hoki (Renewable and Convertible Level Term Insurance Policy Add-on)

Ko te Tāpiritanga Kaupapa Here - Inihua Wā Tūmau, he Pūmau te Pūtea ka Utua, ka taea te Whakahou, Whakahuri hoki, ka taea te āpiti atu ki te Kaupapa Here Ora.

I raro i tēnei Tāpiritanga Kaupapa Here, ka utua e mātou he āwhina tāpiri ā-matenga ki te kaiwhiwhi painga hei te wā o tōu matenga.

Ka utua anake e mātou te āwhina hāngai mēnā e mana pū ana te Kaupapa Here me te Tāpiritanga Kaupapa Here i te wā o tōu matenga. Ko te tikanga o te “mana pū” kua utua ngā utu inihua katoa.

Ka whakahoungia te Kaupapa Here hei te rā whakahou kia utua ngā utu inihua. Ka whakaheke ngā utu inihua hei ia rā whakahou.

Ka mutu te Tāpiritanga Kaupapa Here ā tōna rā mōnehu, wawe ake rānei i ētahi āhuatanga, i runga anō i te Tāpiritanga Kaupapa Here.

Kei a koe te kōwhiringa kia whakahurihia tēnei Tāpiritanga Kaupapa Here ki tētahi mahere inihua ora e tūmau ana. Ko ngā Whakaritenga me ngā herenga e hāngai ana. Hei tauira, me tū te huringa i mua i te mutunga o te wā whakahuri i runga anō i te Tāpiritanga Kaupapa Here.